



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 39. Francisci Regis Consilia de Fœdere cum Papa ineundo.

[urn:nbn:de:hbz:466:1-66495](https://nbn-resolving.de/urn:nbn:de:hbz:466:1-66495)

Sæcul. XVI.
A. C. 1521.

§. XXXIX.

*Francisci Regis consilia de fædere cum
Papa ineundo.*

Quamvis forte ejusmodi fœdus summo Pontifici minus displiceret, de sincero tamen ejusdem animo dubitandi locus est; facile enim prospicere potuit, nullatenus e re sua fore, quod idem Rex, qui jamjam Mediolani Ducatum possidebat, simul etiam Neapolis Regnum sibi subjiceret. Nihilominus mutuæ societatis articuli eriguntur, quorum præcipuus erat, ut communibus expensis Neapolis Regnum expugnaretur, ea tamen lege, vi cuius omnes ditiones, quæ Umbriæ, Spoleti, & Anconæ Provinciis, necnon Lyri fluvio interjacent, statui Ecclesiastico rursus conjungantur, reliqua vero Regni pars dato hanc in rem investituræ diplomate cedatur secundo genito Regis Franciæ filio, qui quoque Henricus nuncupetur; cum vero hic nonnisi unum ætatis annum ageret, Cardinalis Legati, qui Neapoli sedem suam figeret, tutellæ committatur, donec juvenis Princeps decimum quartum ætatis annum attigisset. Cum vero summus Pontifex nuper Ballionum capite truncari jussisset, ut adversus Filiorum, qui Patris sui mortem

mortem ulcisci moliebantur, insultus se- Sæcul. XVI.
A.C. 1521.
curus esset, insuper cavebatur, ut Me-
diolanensium copiæ ad debellandos Se-
dis Apostolicæ hostes destinarentur.
Præterea Galliarum Rex daturum se o-
peram policebatur, ut etiam Veneti
huic fœderi accederent. Ast ejusmo-
di societatis pacta utrinque firmari, Rex
parum sollicitus erat, sive quod in ex-
pugnando Neapolis regno ferio a Papa
juvari diffideret, sive quod aliis forte ne-
gotiis distentus esset.

§. XL.

*Fædus a Papa cum Cæsare adversus
Gallos initum.*

Profuit hæc Regis cunctatio Pontifici
non minus ac Cæsari, qui a Papa
Neapolitani Regni diploma obtinuit, eo
pacto, ut quotannis in Festo S. Petri se-
pties mille scuta Romana tributi nomi-
ne penderet, quibus ita sanctis summus
Pontifex cum Carolo Cæsare fœdus
percussit, cujus præcipui articuli erant
sequentes. I. Papa & Imperator bel-
lum conjunctis viribus in Gallos mo-
veant, ut eos e Mediolanensi Ducatu ex-
pellerent. & Franciscum Sfortiam, qui
Tridenti exulabat, suo imperio redde-
rent. II. Parma & Placentia Sedi A-
postolicæ a Gallis ereptæ summo Pon-
tifici